

国朝耆献类征初编

國朝耆獻類征初編

國朝耆獻類徵初編卷四百七十三目錄

隱逸十三

何惺

李模

周容

徐樹丕

方文
張風

宋曹

傅山

子眉
張際

吳鉏

劉若宜

黃周星

子衛
陳繼新

葉尚高

李鄴嗣

于琳

夏基

巢鳴盛

顧韓

施德裕

牛位坤

孫學稼

子起宗

補錄

李模

周容

方文 從孫中德 中履

李益

李益

李益

李益

李益

李益

李益

四庫全書

國朝耆獻類徵初編卷四百七十三

通奉大夫前署江西巡撫江西布政使司布政使湖陰李桓輯

隱逸十三

何惺

象山諱惺字君慄姓何氏安陸鍾祥縣人也何氏先世爲山東大
姓明永樂閒有名海者以軍功遷安陸久之隸籍焉海生景俊景
俊生鳳鳳生伏淮伏淮生子五人次曰華號南泉始爲儒南泉生
紹南諱崇科入太學授禮部司務未赴有子三人伯曰欽紹興倅
季曰斗象山仲也生而慧甫十歲輒屬文應郡試郡守奇之年十
五試冠一邑與欽同補諸生當是時錢塘葛公記瞻視楚學政權

貴人子無得倖進者所獎拔多文士而士習嶄嶄以氣自豪會興
獻舊邸守陵瑤橫蠶食閭左亡賴者影附藉履敢飛租虐民鍾祥
人患苦之甚象山甫爲諸生輒忼慨奏記當事卽強禦弗畏也性
好客座客常滿卽醫方日者彈碁說劍繪畫鼓琴講鷹走馬之屬
稍當意輒解橐裝以贈而析微洞竅盡其術而奄有之其敏如此
然內行醇謹會父患風病則寢枕牀下視湯藥膏熨且三年久之
病良已以老壽終居喪哀感踰禮及葬會弔者不遠千里至母陳
早世事繼母王以孝聞兄弟相師友怡怡如也欽旅寓江南訃至
輒孺子泣族人爲之感動焉先是雅慕鄭莊陳司馬之爲人已而
忽自悔謝絕一切交游請謁杜門讀書文益雄楚風政勁崇禎閒

尤尙古學而典試如吳梅村蕭雲濤諸公又負海內望象山自以
入闈幾必得之然以策語忤時報罷未幾寇躪鍾祥鍾祥墟矣獨
何氏舉族先幾遁去竟免於難 皇清定鼎當貢春官是時歲貢

有起家別駕司李者象山竟隱不出里有大利害輒挺身建白漢
水溢鍾祥當其衝隄潰居民流冗率父老亟請命中丞豁浮糧流
氓迺歸郡守馬逢皋採其言爲隄政錄按察使馮公右京列爲條
例鐫於石晚節精岐黃術鄉落緩急賴之所全活甚眾踰八十猶
夜挑鐙作蠅頭細字里文士請益人人指授無倦容而酒酣對客
嘗言某文當早貴某文當晚成若吾孫芬者庶幾吾家千里駒乎
已而戊午竟鄉舉第三人芬治尙書一經皆大父口講手畫也生

平所纂輯有四書正義經書大指引蒙字說六經批釋楚騷明解
綱鑑提要諸書所著有考槃居集凡若干卷當寇亂時恥書生不
武取孫吳諸子薈萃成編曰武備指南其治內經有得也著本草
歸一針灸圖保嬰摘要諸書藏於家垂老口不談二氏誠子孫異
時毋修佛事溷乃公也臨終拂衣整冠一寢而逝時康熙己未三
月初十日距生明萬厯丁酉七月十一日享年八十有三元配孫
氏子方暢庠生繼閻氏無子庶唐氏子方亨庠生女一孫三人長
芬中康熙戊午鄉試第三名次杞次旃俱庠生以康熙甲子十月
十八日葬於內方山祖塋之側芬來以銘請銘曰

聞厥初生有異表赤文在肩如環抱囊括鴻濛極幽旨歸而藏兮

爲鴻寶漢水渟泓雲縹渺蒼龍白虎相繚繞松楸蟠根桂杏杪億
斯年兮吉人兆

右墓誌銘金德嘉撰

詩林卷之三

詩林卷之三

詩林卷之三

詩林卷之三

詩林卷之三

詩林卷之三

詩林卷之三

詩林卷之三

詩林卷之三

詩林卷之三

李模

天誕偉人必使之被顯名躋大年非以厚其人所以厚天下也非以厚一時之天下所以培民彝於無已也故其人嘗巋然獨峙以繫天下之望天下亦羣焉仰之其人而存固無所爲屑屑於天下也然信史書之千秋頌之卽以存故國之風爲狂瀾之砥而隱然寄綱常之重焉昔宋室旣亡故相家鉉爭隱居教授不涉世事又十九年而逝而史稱爲宋遺臣於戲自昔適丁革運之會守身異代之後未有如此之貞確久長而不渝者設歷年更久守身益固年考益高而巋然不滓聿稱完人則其人之存亡不更重於往哲乎吾故於前侍御灌谿李先生之歿而俯仰歎悼爲史冊之所希

有也先生年二十餘薦登上第早膺民社之寄卽著廉吏循吏之稱考績入最官爲御史觸邪指按奮不顧身有破柱折檻之風及忤時在貶奉身里居仰事太翁色養備至不言躬行有舞裒洗裙之孝昔人稱李景讓孝於家忠於國者先生真不愧其家聲矣迨遭世變先生潛節固守確乎不拔自鼎革時年未五十乃自五十而六十而七十而八十而守益固節益高三十餘年有如一日因迴環先生一生之著績或出或處無時無事不合於道此天下知與不知無不痛先生之歿咨嗟涕淚謂天下之不可以無先生也此吾之所以爲天下痛先生也至我一人之私則更有無已之悲焉先生爲先文靖公總角交少同硯席壯則同朝晚同里居文章

事業激揚砥礪迨先文靖畢節止水先生爲後死存其孤而恤其
後藏之中心未易一二言嘗會葬先公先生悲不能自勝見者皆
爲流涕又以不肖之息影土室也先生絀父執之分忘達尊之年
時操小舫酒尊襪被顧我於空山荒野之間又必偕吾師鄭桐庵
先生及一二方外同心之友晨夕談笑流連信宿必極意而後返
而歷歲無倦焉則其氣誼爲何如者去年臘月先生於風雪中獨
過草堂劇談移晷聰明步履有同壯夫余竊慶幸先生之壽未艾
胡期今之遽爾長往也嗚呼先生往矣典型淪喪木壞山頽卽徵
知己之感世誼之戚而有餘痛而況如不肖者宜乎旬月以來淚
如縈而心如擣也更有痛者土室中人不出戶庭人間世事一槩

廢絕致不能一弔先生之喪一臨先生之穴今將就窆而我心缺
然則我無已之悲其有以自解乎嗚呼創臆填膺無所抒寫聊陳
楚些以志吾哀其辭曰

偉人之生實維嶽降元精亶儲鍾祥休豈胚胎前光卿長無讓早
綰炎符清風遠颺履職臺端霜威忼忼國步未傾皇猷克壯中外
經綸爲時哲匠胡遘滄桑旋隱園巷一砥巋然百川爲障令聞風
馳逸情雲上八十之年受天之貺江左夷吾涓濱公望維公之歿
靈光旣傾大星宵霽赫曦晝暝未期旦旦遽卽冥冥民之無祿喪
此典型遠近痛悼追維德馨巷不杵相孺亦涕零維公之年胡不
百齡載綏視履以躋澄清公今往矣如彼蒼生我噉大招告公之

靈嗚呼我公維余父執元禮龍門童年早及函丈周旋孝穆殊特
夙昔哀稱聲名題拂我當孤露公實覆翼感知懷舊填膺創臆屠
維協洽暮商無射維此歲月我公殞歿俯仰銜悲維余啜泣嗚呼
哀哉公稱肥遁韋號癯仙山林無悶逍遙引年豈期一旦哲人萎
焉嗚呼哀哉精靈彷彿乘雲騎箕上下星河經帶寰區公雖往矣
亙古終譽我今安仰矯首東維夏屋之封婁江之墟千秋一宿永
夜安居

右哀辭徐枋撰

古詩

古詩

古詩

古詩

古詩

古詩

古詩

古詩

周容

君諱容字鄒山姓周氏浙之甯波府鄞縣人父某妣某氏君所居在城東郊外世無顯者至君父乃讀書知學問補博士弟子員君生而慧甚世列四出一應學使者試筆端奇橫能驟括春秋左氏傳使者驚歎以國士遇之未幾天下多事海上用兵君才爲當世所急幕府羽檄倚辦君手君亦遂屏棄章句不屑屑尋行數墨間載酒彈箏抗談捫蝨武夫悍將一以盛氣御之皆帖息不敢動然是時天命有屬移宮變徵士之從事於場屋者改頭換面爭叩棘門而君獨破塵決網超然聲利之外曰我故勝國之諸生也豈尙以筆墨干榮進哉於是遂放之於酒無日不飲無飲不醉其耿耿